

四庫全書

史部

欽定四庫全書

史部

欽定日下舊聞考卷八十五

詳校官庶吉士臣范逢恩

檢討臣德生覆勘

總校官進士臣程嘉謨

校對官舉人臣李傳燮

謄錄監生臣葉慶和

欽定四庫全書

欽定日下舊聞考卷八十五

國朝苑囿

靜明園

臣等謹按

靜明園在玉泉山之陽園西山勢窈深靈源濬發奇微
趺突是為主泉山麓舊傳有金章宗芙蓉殿址無
考惟華嚴呂公諸洞尚存康熙年間創建是園我
皇上幾餘臨憩略加修葺園內景凡十六謹依

御製十六景詩次序條列於後

靜明園宮門五楹南向門外東西朝房各三楹左右罩

門二前為高水湖

靜明園冊

臣等謹按園內為門六正中

御製宮門額曰靜明園東為

東宮門為小南門又東為小東門園之西北為夾牆門

稍南為

西宮門其中水城關牆一及

東宮門南開宣洩玉泉由高水湖東南引入金河與昆
明湖水合流為長河

宮門內為

廓然大公正殿七楹東西配殿各五楹

靜明
園冊

臣等謹按

廓然大公為十六景之一後宇額曰涵萬象皆

御題

乾隆十八年

御製廓然大公詩 聽政之所虛明洞徹境與心會取
程子語顏之 治宮時燕豫召對有明庭即境愛空濶
因心悟逝停鑑呈自妍醜汲取任壘餅敷政真堪式寧
惟悅性靈

臣等謹按

廓然大公

御製詩恭載首見之篇餘不備錄

廓然大公之北臨後湖湖中為

芙蓉晴照西為虛受堂

靜明園冊

臣等謹按

芙蓉晴照為十六景之一檐額曰樂景閣

乾隆十八年

御製芙蓉晴照詩

峰峒如青蓮華其巔相傳為金章

宗芙蓉殿遺址名適暗合非相襲也

秋水南華趣春

光六月紅羞稱張氏面不斷卓家風無意峰光落恰看

晴照同更傳稱別殿舊蹟仰睇中

臣等謹按

芙蓉晴照

御製詩恭載首見之篇餘不備錄

虛受堂之西山畔有泉為

玉泉趵突其上為

龍王廟

靜明園冊

臣等謹按

玉泉趵突為十六景之一亦為燕山八景之一舊稱玉

泉垂虹第垂虹以擬瀑泉則可若玉泉則從山根
仰出噴薄如珠寶與趵突之義允合詳見

御製玉泉趵突詩並

御製天下第一泉記記文已恭載形勝卷內泉上碑二
左刊天下第一泉五字右刊

御製玉泉山天下第一泉記臣汪由敦敬書石臺上復
立碣二左刊玉泉趵突四字右勒

上諭一通

御題龍王廟額曰永澤皇畿

乾隆十六年閏五月二十九日奉

上諭京師玉泉靈源濬發為德水之樞紐畿甸衆流環
匯皆從此濬注朕歷品名泉實為天下第一其澤流潤
廣惠濟者博而遠矣泉上有龍神祠已命所司鳩工崇
飾宜列之祀典其品式一視黑龍潭該部具儀以聞

乾隆十七年

御製玉泉山天下第一泉龍神祠落成詩紀其事
功

德無雙水名稱第一泉合教崇廟貌用以安神筵方落
臨佳令肇禋卜吉蠲辦香親致敬清酒命申虔靈貺時
暘雨鴻庥利潤瀝黃圖佑千載壬養紀今年

乾隆十八年

御製玉泉趵突詩 泉自山腹漢出燕山八景目以垂

虹者謬也茲始為正之

濟南

趵突

將浙右

虎跑

第一讓皇

都

通品名泉定玉泉為天下第一詳見記中

鏡水呈功德屏山疊畫圖潤瀝

千載利玉帛萬方趨日下傳成說於今始正誣

臣等謹按

玉泉山玉泉趵突

御製詩恭載首見之篇餘不備錄

龍王廟之南循石徑而入為

竹鑪山房南為開錦齋後為觀音洞其上為賞遇樓

明園
冊

臣等謹按

竹鑪山房為十六景之一又伏讀

御製玉泉山雜詠十六首序云玉泉山蓋靈境也雖亭臺點綴時有晦明而山水吐納嵐靄朝暮與造物相終始故一時之會前後迥異一步之移方向頓殊吾安能以十六景槩之即景雜詠復成十六首臣等謹按其目曰清音齋曰華滋館曰冠峰亭曰觀音洞曰賞遇樓曰飛雲隈曰試墨泉曰分鑑曲曰寫琴廊曰延綠廳曰犁雲亭曰羅漢洞曰如如室曰層明宇曰迸珠泉曰心遠閣以上各景謹就近附載並恭錄

御製詩於各條內

乾隆十八年

御製竹壚山房詩

南巡過惠山聽松庵愛其高雅輒

於第一泉仿置之二泉固當兄事

惠泉仿雅製特為

構山房調

去聲

水無煩遠名泉即在旁一時仍漫畫

今春過山

房試茗曾手寫為
圖題詩置壁間

五字旋成章鉅聲何須慮松鳴真是

涼

又

御製觀音洞詩 何處飛來此落伽默然不更轉三車
設云義諦無餘轉者箇非忘見轉差

又

御製賞遇樓詩 於此賞心遇每多春風秋月周巖阿
十年前題綠壁字一彈指頃纔幾何

臣等謹按

竹壚山房觀音洞賞遇樓

御製諸詩恭載首見之篇餘不備錄

觀音洞之南為真武廟後為呂祖洞旁為

雙闕帝廟

靜明
園冊

臣等謹按真武廟額曰辰居資佑呂祖洞額曰鸞
鶴悠然

雙闕帝廟額曰文經武緯皆

御題

乾隆二十年

御製呂祖洞詩 墨胎古洞閱時年應禱修誠致意虔

雲鶴仙儀為重整

年來祈禱雨雪屢
應特為重加莊嚴

祇求歲美不求仙

臣等謹按呂祖洞

御製詩恭載首見之篇餘不備錄

雙關帝廟迹南為

聖因綜繪其西為寫流軒軒後為層明宇又西為福地

幽居後為冠峰亭

園
靜
明

臣等謹按

聖因綜繪為十六景之一

乾隆十八年

御製聖因綜繪詩 薈萃西湖行宮八景於山之坤隅
恍攬兩高而面南屏坐天然圖畫間也 為愛西湖上
行宮號聖因圖來原恰當構得宛成真鐘遞南屏韻山
標上竺皴所輸波萬頃却便閱耕畝

又

御製層明宇詩 絕頂平凌下視雲水村山郭望中分
以斯朗照通為政何慮人情物理紛

又

御製冠峰亭詩 危亭四柱據層峰
攜得風雲一袖濃
恰似梵天花雨裏
珠宮每冠玉芙蓉

臣等謹按

聖因綜繪層明宇冠峰亭

御製詩恭載首見之篇餘不備錄

福地幽居之西梵宇為華藏海又西為

繡壁詩態

圖冊靜明

臣等謹按

繡壁詩態為十六景之一由華藏海循山從東南行俯臨溪河河水引玉泉西南流由水城關達高水湖
乾隆十八年

御製繡壁詩態詩 石崖巉峭壁立名之曰繡取杜老
絕壁過雲句意也 絕壁幻雲烟時開錦繡然名家空
藻績大塊不雕鐫留此千年意居然四十賢曹劉如降
格知復定誰先

臣等謹按

繡壁詩態

御製詩恭載首見之篇餘不備錄

繡壁詩態之西為

溪田課耕又西為迸珠泉

國靜明

臣等謹按

溪田課耕為十六景之一園內自垂虹橋以西瀕河皆

水田

乾隆十八年

御製溪田課耕詩 疏泉灌稻畦每過輒與田翁課晴
量雨農家景色歷歷在目 引泉闢溪町不藉水車鳴
略具江南意每觀春月耕嘉生辨秔稻農節較陰晴四
海吾方寸悠哉望歲情

又

御製迸珠泉詩 青蒲戟戟石磷磷錯落傾來萬斛珍
最是松風蘿月下夜深仿佛見鮫人

臣等謹按

溪田課耕迸珠泉

御製詩恭載首見之篇餘不備錄

繡壁詩態之北為水月庵又東為城關

國靜明

臣等謹按城闕建自康熙二十年

聖祖御題額曰函雲

水月庵之北為聖緣寺

靜明園冊

臣等謹按聖緣寺正宇為能仁殿後為慈雲殿左

為清貯齋右為閨風齋

聖緣寺之北為

仁育宮

靜明園冊

臣等謹按

仁育宮門外建三面坊楔中曰瞻喬門二層曰嶽宗門

宮內奉

東嶽天齊大生仁聖帝像

御題額曰蒼靈賜禧碑二左勒

御製東嶽廟碑文右勒

御製仁育宮頌左曰佑宸殿右曰翊元殿又左為昭聖殿右為孚仁殿正殿後為

玉宸寶殿奉

昊天至尊玉皇大天尊玄穹高上帝像又後為泰鈞樓左為景靈殿右為衛真殿

御製玉泉山東嶽廟碑文東嶽為五嶽宗德發揚訓萬物出雲雨以蕃殖嘉穀阜成兆民伊古以來秩視三

公載在祀典尚已顧天門日觀去京師千里而遠歲時蒞事職在有司方望之祀非遇國家大慶及巡狩所至未嘗輒舉是以郡邑都會往往宗廟貌以奉苾馨夫亦以東方春生之氣貫于四時明靈盼饗無往勿格祝釐祈禱誠應響捷如生氣之於物肖翹跂喙洪纖媿惡無不畢達固非特巖巖具瞻表望齊魯而已京師之西玉泉山峰巒窈深林木清瑟為玉泉所自出滋液滲漉澤潤神臯與泰山之出雲雨功用廣大正同爰即其地建

名山所在多有均為造化靈粹所鍾英爽若接東嶽之
為泰岱人皆知之而不知山嶽之靈不崇朝而雨天下
其精神布濩固無不之譬夫山下出泉隨地歛湧導之
即達固不可謂水專在是則東嶽之祀於茲山也固宜
是為記

乾隆二十三年

御製仁育宮頌言疊舊作岱廟詩韻

有序

玉泉山西

擇爽塏地建

東嶽天齊廟而名之曰仁育宮天齊之稱見於史記東
嶽岱宗則虞帝之所柴望也今祠宇遍天下明靈揚訓
理大物博豈非以仁育萬彙不崇朝而雨天下語曰泰
山不讓土壤固無往而弗格也既為碑記以落廟成茲
經過展禮輒依舊作岱廟韻以成頌言 出震尊為五
嶽宗配藜布篋豈拘封一拳即是扶桑石五鬣寧殊漢
代松瑞氣氤氲籠玉殿蒼靈肅穆仰

金容雲行雨施崇朝遍常願休徵佑九農 巡狩寧當

歲屢行

崇祠擇近致齋精天門東望一誠格陽德中齊萬物亨
秩長羣神孰可匹功先六子獨稱兄
錫禧雖每叨鴻貺惟勵欽承凜旦明

臣等謹按

仁育宮

御製詩恭載首見之篇餘不備錄

仁育宮之北為

清涼禪窟後為嘉蔭堂堂東為霞起樓西為犁雲亭靜

明圖

臣等謹按

清凉禪窟為十六景之一

又按

仁育宮前迤西度橋為園之

西宮門門外左右朝房中為石橋橋西即達香山之

蹕路也

乾隆十八年

御製清涼禪窟詩

佛火香龕儼然臺懷淨域更不問

是文殊非文殊

名山結初地蔥萃四鄰通愛此清涼

窟常饒松竹風花如悟非色鳥解說真空比似白蓮社
迴輿笑彼翁

又

御製犁雲亭詩

綠甸高低繪麥禾犁雲鋤雨較如何

一年最是關心處憂為茲多樂亦多

臣等謹按

清涼禪窟犁雲亭

御製詩恭載首見之篇餘不備錄

清涼禪窟之北為涵漪齋西為飛淙閣東為練影堂稍

南為掛瀑檐

靜明園冊

臣等謹按練影堂掛瀑簷諸水源一自香山碧雲

寺出一自卧佛寺後引注經妙喜寺導入

園中匯為湖與玉泉合流出水城關同會高水湖

涵漪齋之西夾牆門外為妙喜寺

靜明園

臣等謹按寺內正殿額曰香海同源後殿額曰優曇應現曰菩提普印皆

御題自妙喜寺以西為

靜宜園界

清涼禪窟之北為

采香雲徑

靜明園

臣等謹按

采香雲徑為十六景之一其南有樓曰靜怡書屋

乾隆十八年

御製采香雲徑詩 由禪窟右轉東北行磴道盤紆山
苗礪葉翻馥綠徑 松徑招提出蘭衢宛轉通植援防
鹿逸學圃望魚豐是藥文殊采非雲八伯叢欲因知野
趣匪事慕蓴菰

臣等謹按

采香雲徑

御製詩恭載首見之篇餘不備錄

采香雲徑稍北折而東為招鶴庭南為

峽雪琴音

靜明
國冊

臣等謹按

峽雪琴音為十六景之一內額曰麗矚軒東曰俯青室

北曰罨畫窓

乾隆十八年

御製峽雪琴音詩 山巔湧泉潺潺石峽中晴雪飛灑

琅然清圓其醉翁操耶 搏壁上層椒琤然仙樂調色
疑舞膝六製不出雷霄雲霧生衣濕川原入目遙置身
塵以外得句亦因超

臣等謹按

峽雪琴音

御製詩恭載首見之篇餘不備錄

峽雪琴音迤南山巔為

玉峰塔影前為香巖寺右為妙高室

靜明
園

臣等謹按

玉峰塔影為十六景之一塔建峰巔仿金山妙高峰之

制詳

御製十六景詩

乾隆十八年

御製玉峰塔影詩 浮圖九層仿金山妙高峰為之高

踞重巒影入虛牖 窳堵最高處峒峒霄漢間天風摩

鵝鶴浩劫鎮瀛寰結攬八牕達登臨一晌間俯凭雲海

幻謁爾憶金山

臣等謹按

玉峰塔影

御製詩恭載首見之篇餘不備錄

玉峰塔影之後北峰上為妙高寺殿後為妙高塔又後

為該妙齋

靜明園冊

臣等謹按妙高寺前石坊額曰靈鷲支峰殿內額

曰江天如是皆

御題

崇靄軒在妙高峰之西其東為含醇室後為詠素堂

靜

明園
冊

乾隆三十五年

御製題崇靄軒 朝嵐夕靄無定形祇以峰崇有奇狀

由後山左過山右在右之隩更西向鋪空白綿常映帶
時或清闕時疎曠以之興詠詠亦佳以之散襟襟實暢

作者何人稱得宜雲間士龍曾手抗

翠雲崇靄
陸雲句也

臣等謹按崇禩軒

御製詩恭載首見之篇餘不備錄

含經堂在妙高寺東山麓其東北臨溪為書畫舫

明靜

冊

臣等謹按書畫舫前有泉出於巖畔匯為池

御題曰湧玉曰寶珠

含經堂南有樓為

風篁清聽東為如如室西為近青閣又西稍南為飛雲

嶺
園
冊
靜
明

臣等謹按

風篁清聽為十六景之一前有平池數畝湧玉寶珠諸
泉自北來匯之東南流經五空閣出園東垣外達
玉河

乾隆十八年

御製風篁清聽詩
竹近水則韻益清涼颼暫至蕭然
有渭濱淇澳之想
水木翳然處端宜植此君每因機

慮息常有靜聲聞鸞夏風中籟龍飛月下文王家多子
弟應爾獨超羣

又

御製如如室詩 金剛如者都稱六梵帙原來更有三

金剛經四句偈乃鳩摩羅什譯本
其他譯及西竺梵文皆作九如

三亦非多六非欠本

無一物箇中函

又

御製飛雲隈詩 豐隆拔壤不可止形其奇峰色其綺

借問長繩繫得無小試為之旋飛起

臣等謹按

風篁清聽如如室飛雲隈

御製詩恭載首見之篇餘不備錄

風篁清聽之西度橋而南有池池東為延綠廳池西為
漱遠綠為試墨泉又西為

鏡影涵虛南為分鑑曲又南為寫琴廊為觀音閣

明靜

冊

臣等謹按

鏡影涵虛為十六景之一觀音閣額曰堅固林其上迤

西山麓為華嚴洞洞外佛宇額曰香雲法雨皆

御書又上為香嚴寺

乾隆十八年

御製鏡影涵虛詩 泉至前除匯為平池澄泓見底荇

藻羅羅輕儵如空中行湫流沸出若大珠小珠錯落盤

中 濟上曾流憩珍珠故此如淙淙常漱玉朗朗鎮涵

虛曲折千廊繞團圍一鏡儲寧無於水鑑絜矩試憑諸

又

御製延綠廳詩 沓嶂威紆列繡屏每當過雨便來青
畫家欲擬真粉本嵐靄何曾有定形

又

御製試墨泉詩 行雲流水定何蹤試墨欣當五合逢
慚愧會稽王內史至今猶說墨雲濃

又

御製分鑑曲詩 曲徑沿隄兩鑑分雲容嵐態總堪欣
恰如一月千江印全體徒勞擬議紛

又

御製寫琴廊詩 曲折迴廊致有情檻依瀉玉靜中鳴
靈巖若復相衡量響屨還嫌太艷生

臣等謹按

鏡影涵虛延綠廳試墨泉分鑑曲寫琴廊

御製詩恭載首見之篇餘不備錄

寫琴廊迤南為含暉堂後為清音齋齋前為

裂帛湖光齋西山麓為碧雲深處東為心遠閣

園靜明

臣等謹按

裂帛湖光為十六景之一清音齋額

聖祖御題心遠閣額

皇上御題

裂帛湖光當玉峰東麓流經園東垣牖口注玉河匯昆

明湖

乾隆十八年

御製裂帛湖光詩 山東麓為裂帛湖昔人謂泉從石
根出溢為渠者是也由昆明湖放舟以達園中傍岸置
織局桑疇映帶有中吳風景 湖名傳曰下此日偶重
題穀影風前裂機聲煙外低唵喁樂鱗鯉翔翥集鳬鷺
詎止歌清濁還因會莞倪

又

御製清音齋詩 數竿竹是湘靈瑟一派泉真流水琴

淨洗聞塵澄耳觀不知何處覓清音

又

御製心遠閣詩 山中樹古不妨蒼閣裏夏深還覺涼
寥天大野何空濶襟袖之間意與長

臣等謹按

裂帛湖光清音齋心遠閣

御製詩恭載首見之篇餘不備錄

由心遠閣折而北為羅漢洞又上為水月洞又西山麓

為古華嚴寺後為

雲外鐘聲東為伏魔洞

靜明園

臣等謹按

雲外鐘聲為十六景之一

乾隆十八年

御製雲外鐘聲詩 園西望西山梵刹鐘聲遠近相應
寒山夜半殆不足云 靜室花宮側鐘聲發上方隔雲
音越迴響俗意彌長似共天花落何殊梵偈揚七條如

可悟不必問真常

又

御製羅漢洞詩 何年駐錫飛真羣坐席霏微花雨芬
試問維摩著也未辨才到此竟難分

臣等謹按

雲外鐘聲羅漢洞

御製詩恭載首見之篇餘不備錄

碧雲深處迤南為

翠雲嘉蔭後為翠雲堂東為甄心齋

靜明
園

臣等謹按

翠雲嘉蔭為十六景之一即華滋館門額也

乾隆十八年

御製翠雲嘉蔭詩 雙枯鬱然並峙相傳為金源時植

元吳師道玉泉詩有云長松古檜見未有殆即是耶因

樹為屋故以嘉蔭為名 古枯金源種雙株尚鬱然適

因構閤館堪以悟齊年翠影虛牕外寒濤敞座邊夷齊

名塞上

丁卯巡塞外通借機園嶺之南古松
雙幹並峙命之曰夾蔭松作歌紀之

續詠欲增

前

又

御製華滋館詩

竹素園中翰墨筵優游良覺沃心田

偶來便爾忘歸去滿目生機總靜妍

臣等謹按

翠雲嘉蔭華滋館

御製詩恭載首見之篇餘不備錄

翠雲嘉蔭之東為小南門稍南為

東宮門五楹門外朝房左右各三楹

靜明園冊

臣等謹按玉泉之水流繞樂景閣前後匯為湖其

流一曲西南水城闕出一曲

東宮門前南牆出同入高水湖又自北牆會裂帛湖諸

水經小東門外東匯于昆明湖

靜明園南宮門西南為影湖樓

靜明園冊

臣等謹按影湖樓在高水湖中東南為養水湖俱

蓄水以溉稻田復于堤東建一空牕洩玉泉諸水
流為金河與昆明湖同入長河

乾隆二十四年

御製影湖樓詩

有序

通年開水田漸多或虞水不足

故於玉泉山靜明園外接拓一湖俾蓄水上游以資灌
注湖之中築樓五楹惟舟可通適因落成名之曰影湖

而繫以詩

靈源蓄水拓池寬灌輸

去聲

期資稼穡艱樓

據湖心攬湖外客惟舟往亦舟還會心表裏神明境動

影虛無窈窕間快雨更欣逢快霽偷閑于此亦開顏

臣等謹按影湖樓

御製詩恭載首見之篇餘不備錄

小東門外長堤石橋上建石坊二迤東為界湖樓

明園靜

冊

臣等謹按石橋東坊額曰湖山罨畫曰雲霞舒卷

西坊額曰煙柳春佳曰蘭渚蘋香橋下水北注玉
河沿河皆稻田又北為石道迤邐至青龍橋即達

清漪園之

輦道也

乾隆二十一年

御製界湖樓詩

金河高長河玉泉高倍蓰設非次第

蓄一瀉無餘矣裂帛本有湖方塘數畝耳接上擴充之
此湖殊渺瀰界堤築橫樓漪影翻窓紙實得空澄趣詎
止煙波美面面闢溪田萬頃綠含綺隨時祝有年是吾
乃所以

臣等謹按界湖樓

御製詩恭載首見之篇餘不備錄

原玉泉山以泉名泉出石罅潄而為池廣三丈許水清而碧細石流沙綠藻紫荇一一可辨池東跨小石橋水經橋下東流入西湖山頂有金行宮芙蓉殿故址相傳

章宗嘗避暑于此

長安客話

原穿青龍橋而西得玉泉山山培塿耳而土紋隱起作蒼龍鱗其下為池潄泉而亭之曰望湖亭其東為華嚴

寺寺西泉清可辨蘿髮

繼山集

臣等謹按望湖亭無考華嚴寺今存

原玉泉山沙痕石隙隨地皆泉山陽有巨穴泉歆而上

淙淙有聲或名之噴雪泉

燕都遊覽志

原玉泉山泉出如沸溜爲池清可鑑毛髮此西湖之源

也

白石岩集

原玉泉山金章宗嘗建行宮今廢山之北麓鑿石爲螭

頭泉從螭口出溜而爲池

南潒集

原玉泉山在西山大功德寺西數百步山之北麓鑿石為螭頭泉自口出瀦而為池瑩徹照映其水甘潔上品

也

水品

臣等謹按玉泉源從石穴湧出

御製詩并記文

特為釐定原書稱自螭口出者訛也

補玉泉頗類趵突但趵突湧泉有三玉泉止一穴趵突

高三尺餘玉泉止尺許斯不及爾

寄園寄所寄錄

臣等謹按玉泉上出正所稱趵突者其靈異遠勝
濟南之趵突爾雅釋水篇之漢劉熙釋名之湧泉
皆此義也原書乃謂頗類趵突不惟輕重倒置并
未悉趵突之解矣至玉泉除中間正穴外南北山
麓諸穴不可勝計乃云止一穴又泉勢仰出高三
尺餘其騰起水面者又半尺許乃云止尺許皆為
失實謹辨正以資傳信

原玉泉山麓有寺所謂玉泉寺也山有吕公洞稍東為

龍王祠渟泓方廣數丈湧泉如珠名裂帛湖然玉泉山
傍每遇石縫即迸流濺雪不特裂帛湖也

游業

原玉泉山根碎石泉湧去山不數武裂帛湖也泉迸湖
底狀如裂帛渙然合於湖湖方數丈水澄以鮮漾沙金
色過溪曰望湖亭宣廟駐蹕今圯其南上下華嚴寺嘉
靖庚戌寺燬焉存者二洞華嚴七真洞壁刻元耶律氏
詞紆而西觀音菴洞曰吕公洞昔吕仙憩此去而洞名
也又北金山寺寺破但未廢爾寺有洞曰七寶徑寺登

乎山山舊有芙蓉殿金章宗行宮也昭化寺元世祖建

也帝京景物略

臣等謹按金山寺昭化寺今皆無考

原玉泉在京城西三十里西山之麓有石洞泉自中而出洞門刻玉泉二字泉味甘冽上有石巖名呂公洞其上有芙蓉閣金章宗避暑處其在山之陽者泉自下湧鳴若雜佩泓澄百頃合流而入都城逶迤曲折宛若流

虹戴司成集

原玉泉出於山下歛薄轉激散為谿池池上有亭宣宗
駐蹕處也又一里為華嚴寺有洞三其南為呂公洞一
竅深黑投以石有水聲莫有窮之者

懷麓堂集

原玉泉山麓臨水有亭裂帛泉從石根出溢為渠石子
鱗鱗了了可見依山瞰泉原為昭化寺今久廢

珂雪齋集

原宛平有玉泉山行宮

金史地理志

原明昌元年八月幸玉泉山六年四月幸玉泉山承安
元年八月幸玉泉山泰和元年五月幸玉泉山三年三

月幸玉泉山七年五月幸玉泉山

金史章宗紀

原至元三年八月郭守敬請開玉泉水以通漕運從之

十五年十二月禁玉泉山樵采漁弋

元史世祖紀

原至治元年十二月疏玉泉河

元史英宗紀

原泰定元年八月罷浚玉泉山河役

元史泰定帝紀

原世祖召見郭守敬而陳水利六事其一中都舊漕河

東至通州引玉泉水以通舟楫可省雇車錢六萬緡

元史

本傳

原循玉泉山而西二里為觀音寺寺依山入門有洞深
廣二尋出洞拾級而上亭曰望湖山後有小洞可坐二
人洞北有大洞方濶兩旁石榻可坐旁刻字曰玉泉觀
音洞剔蘚辨之下三字乃後人續刻者相傳金章宗避
暑於此上有芙蓉殿漫不可尋但荒榛碧瓦而已出洞
尋舊路而西有廢菴又一洞亦曰觀音洞山麓有呂公

洞

前溪
集

原補陀寺在玉泉山半門內即呂公洞寺右躋石級上

望湖亭

南潞集

原由香山至望湖亭一水夾溝而出苻菜交橫凡三里
許水漸狹隱隱不知所之遊者遂以西湖止此望通衢
取道入城不知轉入林中灌木忽開迴堤十里鵝鵲
鵲低飛遠立遠水長流不減杭之段家橋也

燕都遊覽志

原玉泉山有呂公巖下臨一潭廣丈餘山上有看花臺

卷幔樓

燕都遊覽志

臣等謹按看花臺卷幔樓今皆無考

原崇真觀在玉泉山下觀外小澗環流橋壞循岸西清
淺處以渡其前累石為臺臺下甃方池池上有斗室曰

靈淵齋

錢文肅集

臣等謹按崇真觀靈淵齋今皆無考

補玉泉山右名瓦窰頭西向有隆佑菴僅數廬有垂柳

內詩名花楚楚可觀

山行雜記

臣等謹按隆佑菴今無考

原呂洞賓名嵒唐呂渭之後五代間從鍾離權得道與

權更出沒人間權不甚多而洞賓蹤跡數見好道者每

以為口實

蒙齋筆談

原華嚴寺左有洞曰翠華中有石林可憩息題詠頗多
苔漬不可讀又有石洞在山腰若鼠穴寺北石壁泉出
其下作裂帛聲故名裂帛泉有亭可望西湖故名望湖

亭

滿碧堂集

原華嚴寺有小洞三俱幽邃屋後石壁下一池其形如

壺土人呼為控鉢湖

長安可遊記

如半月

珂雪齋集

原自華嚴寺西度三石橋門臨水曰金山寺寺西北皆

山也

大復山房集

原金山寺磴道欹窄僅可徒步既至寺抵一等菴觀龍

洞洞方廣不及尋丈旁有石穴深窅莫測

錢文肅集

原金山寺西麓盡處也

游業

原華嚴右半里為金山寺山有玉龍洞洞出泉甃石為

暗渠引水伏流約五里入西湖名曰龍泉堂湖亭建其

上

長安客話

原望湖亭不作於龍潭而作於裂帛湖上真無識也

郎集

原裂帛從玉泉山根出溢而為渠依山瞰泉為昭化寺

基今已廢其鄰為史園正泉所出也

珂雪齋稿

原裂帛湖泉仰射如珠串古榆蔭潭上極幽秀過趙家

隄水更深碧

長安可遊記

原吳師道遊西山詩序 三月十七日金華吳師道正傳晉寧張翥仲舉襄城趙璉伯器臨川吳當伯尚河東

王雍元肅同遊西山玉泉護聖寺遂至香山既歸各賦詩以紀實先是護聖主僧月潭師款客甚勤留之不果則約以再遊又約以詩為寄未及寄則又屢督起之於是哀寫為卷納之山中四人者推其為最長故其詩居首而又復叙其略焉吁吾曹東南西北之人幸而會于京師佳時勝集徜徉名山水間既愜于心師超然方外而獨惓惓焉其高致尤可愛而仰也秋風揚舲客興未已又將往踐前約然柔下三宿之戀或法所不可師其有以語我乎

吳禮部集

原三月十八日

張仲舉趙伯器吳伯尚王元肅同遊西

山玉泉遂至香山詩肅清門外春草青背城曼衍趨郊垌西山曉晴出蒼翠高下不斷如連屏道旁巨冢烏鳥噪寒日野祭遺殯腥溝深路狹雪泥在緩控瘦馬仍鈴鐸行行將近寺始見半空碧瓦浮晶熒先朝營構天下冠千門萬戶伴宮庭寺前對峙兩飛閣金鋪射日開朱欄截留累石作平地修梁雄跨相緯經平臺當前白玉

產刻鏤精巧多殊形常時御舟此遊幸清簫妙管魚龍
聽沿堤萬柳著新綠未見蒲葦彌煙汀鳬飛鷺起渺空
濶使我清思凌滄溟遊船兩兩棹歌起亦有公子攜妙
娉主僧說法據高座撞鐘擊鼓聲發寔欣然肅客導周
歷顧瞻幻怪何神靈後園小殿翳花木繡幃香閣猶深
扃坐陪方丈談疊疊伊蒲清供分餘馨出門暄風掠人
面前後復歷硯與陞泉乾土淺草樹少祇有廟塔高亭
亭香山蘭若金源舊猶餘大定殘碑銘長松老檜見未
見唯有澗水遶屋鳴清冷攀危陟峻劇喘汗却下迅走
誰能停班荆列坐杏花底持觴愛此香雪零日暮漸隱
半峰側酒行不盡雙玉瓶衆賓未醉有餘興惟我却飲
嗟獨醒疾驅迅馬路已熟遙見樓堞塵冥冥歸來門巷
未深黑春雲黯黯明疎星廣文官况淡於水刻復聚散
如浮萍玉泉頗恨不少住客意更擬同揚舲明朝清遊
墮夢境擁書却坐槐陰廳同上

原胡廣玉泉山作

玉泉之山下出泉泉流樹色鏡中

懸却帶西湖連內苑直下通津先百川微風時動碧波
盛明月夜映清光圓此中曾照古人影故碣記得金元

年胡文穆集

原鄒緝和韻嶂霧巖雲湧玉泉長流未似瀑流懸聲

驚素練鳴秋壑光訝晴虹飲碧川飛沫拂林空翠濕跳
波澱石碎珠圓傳聞絕頂芙蓉殿猶記明昌避暑年

素齋集

原李東陽玉泉道中作日照山山紫翠生雨餘秋色

更分明屋樓出霧東浮海雉堞連雲北繞城舊識郵亭
猶問路漸多僧寺不知名十年幾度登臨約未盡平生

吏隱情懷麓堂集

原劉大夏玉泉道中作晚來聯騎踏晴沙風景蒼蒼

一望迢幾處白雲前代寺數村流水野人家鶯啼別墅
春猶在馬到西山日未斜回首不知歸路遠九重官殿

隔煙霞東山集

原吳寬飲玉泉作龍脣噴薄淨無腥純浸西南萬疊

青地底洞名致小有江南泉品類中冷柳厨絡繹駢銀
甕僧寺分明枕玉屏曾是宣王臨幸處遊人誰復上高

亭

范翁家藏集

原何景明玉泉詩 行遊金口寺坐愛玉泉名雲去隨

龍女風來動石鯨入宮朝太液穿苑象昆明却望天河
水迢迢萬古情 大復山人集

原李濂玉泉山詩

章宗避暑玉泉山宮女隨鑒到此

間昔日翠華歌舞地

於今猶見五雲還 嵩渚集

原廖道南玉泉亭作

偶來池上酌暫謝區中綠水澗

雙飛鳥林疎獨抱蟬披雲穿紫竹聽雨落紅蓮終日石

梁坐相看意惘然

元素集

原朱曰藩玉泉寺小山詩

笑指蓬萊石春桃幾樹花

仙潭馴白鹿童子戲金沙一榻居士室三車長者家

君唐素壁重過賦青霞 山帶閣集

原何棟玉泉詩

兔奔何年鑿仙源此日看濺珠翻石

溜拂鏡漾晴瀾鵲鳩春塘淨雲霞夕影寒分流入內苑

故作九龍盤

太華集

西山玉泉寺蒼翠橫寥廓寒

原高應寬遊玉泉寺詩
流迴清池落木何消索青峰映蓮宇白雲度深閭攜壺
歷翠微披襟憩幽壑感此高秋景寧忘朋聚樂長吟石
上風緬懷雲中鶴何當一來遊遂我芙蓉約
高光州集

原融大任同黎秘書遊西山經玉泉山池亭望西湖詩
並馬今朝路西行訪石經山泉浮鉢綠湖草映袍青
積玉迷春澗飛花入暮亭十年江上客煙雨憶揚舲
歐虞部集

原胡應麟遊玉泉詩
殿隱芙蓉外亭開薜荔中山光
寒帶雨湖色淨連宮作賦攜詞客行歌伴釣翁夕陽沙

浦晚鳬雁起秋風
少室山房集
補王惲重遊玉泉詩
峰頭亂石鬬嵯岬水底浮光浸

碧霞絕似蘇門山下路惜無修竹與桃花
秋澗集
原黎民表遊西山玉泉池詩
圓亭知異脈方折紀靈

跟濯月金規滿含風石鏡融平湖隱作浪曲澗瀉為淙
一入昆明去千秋照綺櫺瑤石集

補黃清老玉泉山懷友作遠水平林翠繞城秋來風
雨動離情玉泉千尺梧桐樹月下蕭蕭落葉聲樵川

集

補吳子高次韻馬伯庸玉泉山作飛絮晴絲絡馬頭

春風長記侍宸遊牙樯映日開龍艦天樂連雲上翠樓
楊柳盡隨隄北偃芙蓉不礙水東流遙憐玉輦時巡處

千里風煙紫塞秋文翰類選
原程敏政呂公洞詩石洞知何代門當玉澗灣潮音

疑可聽仙駕杳難攀暗穴深通海危亭上據山吟身貪
縱步遙帶夕陽還篁墩集

原李濂遊呂公洞詩窈窕呂公洞遙遙玉泉側澗流
緬松門石梁亘雲壁始入日匿影徐轉天漏白靈窟度

縈迴細徑緣敲仄杖邊霏漸分衣上霰微積紫芝數異
芬瑤草弄明色窮猿倒窺人仙鼠飛避客遙遙薜蘿陰

蝸蝸蒼翠夕金膏欣可餐石髓恨難識意恆諸妄遺神
超萬緣釋伊子事沈冥夙負山水癖曩聞呂仙名茲覽
修真跡丹壚滅灰爐石狀有苔蝕一遊洞庭波千載香
消息珪組知爾忘煙霞恣所適私哂名利心覽躋竟何

益

嵩渚集

原杭淮西山呂公洞詩

我尋呂公洞水邊春駐鞍側

身入地底偈仄顛礙冠導燈如星明墮石訝劍攢魚貫
緣曲折忽俯千丈湍却步前未敢下有龍結蟠腥風起
昏黑颯爽肌栗寒五年客京華茲辰亦奇觀雙溪集
原皇甫湜玉泉山寺七真洞詩高閣重巖合層臺集
樹幽風殘芝洞日雲落澗泉秋貝葉看深誦金沙歷晚
遊七真懷秘躅彷彿在山邱皇甫水部集
原郎律楚材鷓鴣天詞花界傾頽事已遷浩歌遙望
意茫然江山王氣空千劫桃李春風又一年橫翠嶂
架寒煙野花平碧怨啼鶯不知何限人間夢併觸沈思
到酒邊湛然居士集

原夏言和詞 人世滄桑有變遷 靈巖玉洞自巋然 朔
衣幾共遊山日 佛界仍存刻石年 嗟歲月惜風煙等

閑花發又啼鵲 只將彩筆題僧壁 玉帶長留向日邊
桂洲集

原倪岳遊玉泉華嚴寺詩 門外寒流浸碧虛 玉泉山
上老僧居 芙蓉雲鎖前朝殿 耶律詩存古洞書曲澗正
當虹飲處 好山相對雨晴初 笑攀石磴臨高頂 浩蕩天
風襲翠裾 青谿集

原李夢陽翠華巖詩 洞劍耶律詞其名翠華巖 俯視
聳觀閣 仰面攢松杉 厥維何王代 鬼斧開嶺嶺 精氣久
削薄 烟嵐鬱相攬 屢憩驗足蒨 獨往悲情凡入蘿 畏石
墜轉嶠 驚日街飄飄 萬里風吹我秋衣 衫故迹慕康樂
入道懷賀監 載思武陵避 愈悵桃花岩 去住亦由人 極
目江上帆 空同集

原何棟華嚴寺詩 尋山入淨苑 撫石眺芳洲 巖樹雲
邊盡 春泉雨外流 花深時見鹿 荷密欲藏鷗 夙昔懷邱

空將因叢桂留 太華集

原李夢陽望湖亭集句 與客提壺上翠微千家山郭

靜朝暉平沙渺渺來人遠黃鳥時兼白鳥飛 曉行不
厭湖上山別有天地非人間安得移家此中老白雲長

在水潺潺 空同集

原何景明望湖亭詩 獨上湖亭望霜空萬里明檻疑

天上立槎是斗邊行雲霧迷山殿芙蓉暗水城先朝四
百寺秋日通題名 大復山人集

原張治望湖亭詩 望湖亭下水如烟曾記宣王賜幸
年玉輦不來鳬雁冷 一湖楊柳鎖春煙 張文肅集

原文微明望湖亭詩 寺前楊柳綠陰濃檻外晴湖白
映空客子長途嘶倦馬夕陽高閣送飛鴻即看柳色浮

天際已覺扁舟落掌中三月燕南花滿地春光都在五
雲東 甫田集

原王穉登望湖亭詩 亭邊楊柳水邊花落日行人正
憶家不及江南湖上寺木蘭舟裏載琵琶 燕市集

欽定日下舊聞考卷八十五

欽定四庫全書

欽定日下舊聞考卷八十六

國朝苑囿

靜宜園一

臣等謹按香山名勝若來青軒洪光寺諸處及娑

羅寶樹皆昔蒙

聖祖仁皇帝臨幸

天章肇錫

御額親題我

皇上清蹕所臨畧加葺治敬仰

前謨恭抒

宸翰謹依

御製靜宜園二十八景詩次第編載卷內

靜宜園前為城關二由城關入東西各建坊楔中架石
橋下為月河度橋左右朝房各三楹

宮門五楹

靜宜園冊

臣等謹按

靜宜園額懸

宮門檐端

皇上御書城闕南額曰松扉北額曰蘿幄東坊額曰芝
廔曰烟壑西坊額曰雲衢曰蘭坂

御製靜宜園記 乾隆乙丑秋七月始廓香山之郭難
榛莽剔瓦礫即舊行宮之基葺垣築室佛殿琳宮參錯
相望而峯頭嶺腹凡可以占山川之秀供攬結之奇者
為亭為軒為廬為廣為舫室為蝸寮自四柱以至數楹

添置若干區越明年丙寅春三月而園成非創也蓋因也昔我

皇祖于西山名勝古刹無不曠覽遊觀興至則吟賞托懷草木為之含輝巖谷因而增色恐僕役侍從之臣或有所勞也率建行宮數字于佛殿側無丹雘之飾質明而往信宿而歸牧圉不煩如岫雲皇姑香山者皆是而惟香山去圓明園十餘里而近乾隆癸亥余始往遊而樂之自是之後或值幾暇輒命駕馬蓋山水之樂不能

忘于懷而左右侍御者之揮雨汗而冒風塵亦可厯也
于是乎就

皇祖之行宮式葺式營肯堂肯構樸儉是崇志則

先也動靜有養體智仁也名曰靜宜本周子之意或有
合于先天也殿曰勤政朝夕是臨與羣臣咨政要而籌
民瘼如圓明園也有憩息之樂省往來之勞以恤下人
也山居望遠村平疇耕者耘者饁者獲者飲者厯厯在
目杏花菖蒲足以驗時令而備農經也若夫巖壑之怪

特林薄之華滋足天成而鮮人力信乎造物靈奧而有
待于靜者之自得耶凡為景二十有八各見于小記而
系之詩

乾隆二十年

御製香山靜宜園六韻 山以仁為德秋惟靜與宜樹
猶張翠色風自富涼時久別如初遇澄懷更起思嵐光
牕裏納松影座間移參畫真無盡過駒有若斯輕輿問
前景欲去且遲遲

臣等謹按

靜宜園

御製詩恭載首見之篇餘不脩錄

宮門內為

勤政殿五楹南北配殿各五楹殿前為月河

園 靜宜冊

臣等謹按

勤政殿為二十八景之一內額曰與和氣游聯曰林月

映宵衣寮案一堂師帝典松風傳畫漏農桑四野

繪幽圖皆

皇上御書月河源出碧雲寺內注

正凝堂池中復經

致遠齋而南由

殿右巖隙噴注流繞墀前

乾隆十一年

御製勤政殿詩

皇祖就西苑超臺之陂為瀛臺以避暑視事之所顏曰

勤政

皇考圖明園視事之殿亦以勤政名之予既以靜宜名是園復建殿山麓延見公卿百僚取其自外來者近而無登陟之勞也晨披既勤晝接靡倦所行之政即

皇祖

皇考之政因寓意茲名昭繼述之志用自勗焉 悅心
期有養好樂勵無荒漫擬靈稱園偏宜山號香問農頻
駐蹕咨采喜同堂

家法傳勤政孜孜敢暫忘

臣

等謹按

勤政殿

御製詩恭戴首見之篇餘不脩錄

勤政殿後北為

致遠齋南向五楹齋西為韻琴齋為聽雪軒東有樓為

正直和平

靜宜
園冊

臣

等謹按

致遠齋韻琴齋聽雪軒正直和平諸額皆

皇上御書

乾隆三十三年

御製題致遠齋詩 庶官斯引見幾務此疇咨便是遊
山處無非勤政時人惟得屢試章不厭詳披致遠宜從
近省心要在思

臣等謹按

致遠齋

御製詩謹繹有關紀述事實者恭載卷內餘不脩錄
勤政殿後西為橫秀館東向其南亭為日夕佳北為清
寄軒橫秀館後建坊座內為

麗瞻樓五楹後為多雲亭

靜宜園冊

臣等謹按

麗瞻樓為二十八景之一與橫秀館諸額皆

皇上御書

乾隆十一年

御製麗暘樓詩 勤政殿依山為屏取徑于屏之南折
而東平岡數百步繚以周垣與室數楹顏曰靜寄緣石
磴左右上華表桀峙岑樓隱峯審曲面勢時惟朝陽因
山為基斯樓最其勝處 重基百尺聳萬象四鄰通嵐
靄變朝暮山川無始終會心堪致遠撫景念居崇春色
皇都好都歸一覽中

乾隆二十六年

御製清寄軒詩

勝遊那可戀香界勤政明當返御園

三日駐山詩卅首邈然清夜寄斯軒

臣等謹按

麗鵬樓清寄軒

御製詩恭戴首見之篇餘不備錄

麗鵬樓後南為

綠雲舫

靜宜
圖冊

臣等謹按

綠雲舫為二十八景之一

乾隆十一年

御製綠雲舫詩 園中水皆涓涓細流不任舟楫因仿
避暑山莊內雲帆月舫為齋室而以舫名之蓋自歐陽
氏畫舫而後人多慕倣之者夫舟之用以水居無異陸
處為利而陸處者又以入室如在舟中為適然則山居
水宿無事強生分別況載舟覆舟為鑒又豈獨在水哉
是處綠陰稠幾餘靜憩留烟霞常蒼蔚魚鳥任飛浮
不繫喬松畔將尋古渡頭周髀歸妙契天地一虛舟

臣等謹按

綠雲舫

御製詩恭載首見之篇餘不備錄

麗矚樓迤南為

虛朗齋齋前石渠為流觴曲水南為畫禪室後為學古
堂東為郁蘭堂西為佇芳樓又後宇為物外超然其外
東西南北四面各設

宮門

東宮門外石路二南達香山寺東建城關達于帶水屏

山
園
冊
靜
宜

臣等謹按

虛朗齋為二十八景之一相傳即永安村地

學古堂前周廊嵌

御製靜宜園二十八景詩石刻

東宮門檐額曰澗碧溪清

聖祖御書帶水屏山詳後

乾隆十一年

御製虛朗齋詩

由麗驕樓而南度石橋為北宮門沿

澗東行折而南為東宮門中為廣宇迴軒曲廊洞房密
者宜煥敞者宜涼柔枕不雕楹檻不飾礪石周廡之壁
書茲山舊作與摹古帖參半南為曲水藤花垂蔓覆其
上嚮南一齋曰虛朗虛則公公則明朗之為義高明有
融異夫昭昭察察之為者要非致虛極不足語此 澹
泊志乃虛寧靜視斯朗川雲供嘯咏天地任俯仰隱几

極目清披襟滿意真惟其無一物是故含萬象

乾隆二十四年

御製學古堂詩 堂名因傳說

家法始

神堯

避暑山莊有此堂名
皇祖御筆也

敬述山莊額常循義府標惜

分陰敢怠鑒百代惟昭返已將何托怵然謹盱宵

臣等謹按

虛朗齋學古堂

御製詩恭載首見之篇餘不備錄

帶水屏山門宇三楹南向西為對瀑北為懷風樓其左
為琢情之閣東南為得一書屋西為山陽一曲精廬

靜

宜園
冊

臣等謹按帶水屏山瀑泉自雙井迤邐東注至是
匯為池雙井詳後

乾隆三十二年

御製對瀑詩 到處多吟對瀑詩不同境亦各殊時抑

予別有會心者迅水光陰閱若斯

臣等謹按

御製對瀑詩恭戴首見之篇餘不備錄

帶水屏山之西為

璵玞巖其上廳宇三楹為綠筠深處

靜宜園冊

臣等謹按

瓔珞巖為二十八景之一綠筠深處額

聖祖御書

乾隆十一年

御製瓔珞巖詩 橫雲館之東有泉側出巖穴中疊石
如宸泉漫流其間傾者如注散者如滴如連珠如綴旒
汎灑如雨飛濺如電縈委翠壁淥淥衆響如奏水樂顏
其亭曰清音巖曰瓔珞亭之勝以耳受巖之勝與目謀
澡濯神明斯為最矣 滴滴更潺潺琴音大地間東陽
原有樂月面却無山忘耳聽雲梵棲心揖黛鬟飲光如
悟此不復破微顏

臣
等謹按

瓔珞巖

御製詩恭載首見之篇餘不備錄

瓔珞巖東稍南為

翠微亭

靜宜
園冊

臣
等謹按

翠微亭為二十八景之一

乾隆十一年

御製翠微亭詩 宮門之南古木森列山麓稍北為小亭入夏千章綠陰禽聲上下秋冬木葉盡脫寒柯蕭槭天然倪迂小景 須彌與一芥大小豈爭差亭子不嫌窄翠微良復賒入詩惟罨畫沐雨欲蒸霞莫羨癡黃派倪迂各擅家

臣等謹按

翠微亭

御製詩恭載首見之篇餘不備錄

翠微亭東有亭為

青未了

靜宜園冊

臣等謹按

青未了為二十八景之一

乾隆十一年

御製青未了詩 南山別嶂為宮門右臂羣峰蒼翠滿
且阡陌村墟極望無際玉泉一山蔚若黥黛都城烟樹
隱隱可辨政不必登秦岱俯青齊方得杜陵詩意 拳

石堪稱岱來青況復同川源渺何極雲木望無窮社尚
懷居易價疑招遠公升高應絕頂不必畏蠶叢

臣
等謹按

青未了

御製詩恭載首見之篇餘不備錄

青未了迤西巖際為

馴鹿坡

靜宜
園冊

臣
等謹按

馴鹿坡為二十八景之一

乾隆十一年

御製馴鹿坡詩 東海有使鹿之部產馴鹿勝負戴被
鞍服箱兼牛馬之用而性尤馴擾用則呼之使前用畢
散走山澤其地習為固然弗之異也寧古塔將軍以之
入貢中國服牛乘馬不假為用因放諸長林豐草俾適
其性其母以不見用自感耶 鹿馬原常有甞甞看兩
三器車渾可駕綠耳底須驂豐草羣惟適嘉草性所航

輞川傳鹿柴視此定增慙

臣等謹按

駙鹿坡

御製詩恭載首見之篇餘不備錄

駙鹿坡迤西有龍王廟下為雙井其上為

蟾蜍峯

靜宜園冊

臣等謹按

蟾蜍峯為二十八景之一明高穀文義集謂之蝦蟆石

雙井水東北注松塢雲莊池內入知樂濠由清音
亭過帶水屏山繞出

園門外是為南源之水

乾隆十一年

御製蟾蜍峯詩 香山寺西岡巨石側立如蟾蜍哆口
張頤睥目瞠腹昂首而東望嘗謂宇宙間石為最頑而肖
物象形往往出人意表況木變松化造物固無所不有
麻源山石中有螺蚌茲石得無東坡詩中青猿醉道士

類歟 久竹生青寧洪鑪善委形試看蹲海物將欲補
山經腹尚礪礪果聲疑閣閣聽空懷玉川子咄咄筆無
停

臣
等謹按

蟾蜍峯

御製詩恭戴首見之篇餘不備錄

蟾蜍峯北稍東為松陽雲莊又東有樓為憑襟致爽後

為栖霞樓

靜宜
圖冊

臣等謹按

栖雲樓為二十八景之一

乾隆十一年

御製栖霞樓詩 予初遊香山建此于永安寺西麓適
當山之半右倚層巖左瞰遠岫亭榭畧具雖逼處西偏
未盡茲山之勝而堂密蒼蔚致頗幽秀 過去心難得
未來亦復然以此例現在畢竟誰火傳高樓號栖霞題
句憶昔年階畔碎瑱聲報我無留遷

臣等謹按

栖雲樓

御製詩恭載首見之篇餘不備錄

香山寺前石橋下方池為

知樂濠

靜宜園冊

臣等謹按

知樂濠為二十八景之一

香山寺詳後條

乾隆十一年

御製知樂濠詩 山澗曲流湍急停蓄處苔蘚搖曳輕
儵游泳如行空中生物以得所為樂澗溪沼沚與江湖
等耳知其樂隨在可作濠梁觀 淙淙鳴曲注然否是
濠梁得趣知魚樂忘機狎鳥翔噉喙雲霧上潑刺栢松
傍寄語拘墟者來茲悟達莊

臣
等謹按

知樂濠

御製詩恭載首見之篇餘不備錄

香山寺在

瓔珞巖之西前建坊楔山門東向南北為鐘鼓樓上為戒壇內正殿七楹殿後廳宇為眼界寬又後六方樓三層又後山巔樓宇上下各六楹

靜宜園冊

臣等謹按

香山寺為二十八景之一據徐善泠然志寺為金章宗

會景樓故址詳見後原書各條正殿前石屏一中

刊金剛經左心經右觀音經屏後恭錫

皇上御筆然燈古佛觀音普賢諸像並

御製贊語殿額曰圓靈應現六方樓上層額曰光明蓮
界中曰無住法輪下曰蒼蘊香林山巔樓宇上額
曰驚峯雲湧下曰青霞寄逸皆

皇上御書

乾隆十一年

御製香山寺詩 寺建于金世宗大定間依巖架壑為

殿五層金碧輝映自下望之層級可數舊名永安亦曰甘露予謂香山在洛中龍門白居易取以自號山名既同即以山名寺奚為不可 鴈堂傳寶界鹿苑本仙區結夏參摩詰和南禮曼殊分茶馳調水清饌飽伊蒲欲擬題新句尋思色相無

臣等謹按

香山寺

御製詩恭載首見之篇餘不備錄

香山寺正殿門外有

聽法松山門內有娑羅樹

靜宜園冊

臣等謹按

聽法松三字鐫石欄上為二十八景之一娑羅樹歌見

皇上御製詩集恭錄卷內

聖祖御製娑羅樹歌 娑羅珍木不易得此樹惟應月中植想見初來西域移山中有人多未識海桐結蓋松

枯形千花散盡七葉青山禽迴翔不敢集虛堂落子風
泠泠楚州遺碑今已偃我眉雪外雙林遠未若茲山近
可遊靈根終古蟠層巘繁陰亭午轉團圞回睇精藍路
幾盤憑教紫府仙山樹寫入披香殿裏看

乾隆十一年

御製娑羅樹恭依

皇祖元韻 樹聞如意隨求得

梵云鳴爾布喇瓦喇斯
此云如意樹即娑羅樹

也梵典曾標鹿苑植層層幢節古佛前碧眼番僧來尚

識東土西天豈定形飛來靈鷲千雲青安知此樹不憶

石因風作語猶泠泠七葉龍蔥湘蓋偃縱移根越千年

遠益部楚州疑附會那覩月木依雲巘

婆羅花佛日盛開每朵十二瓣

過閭輒多一辯故云月木見雲南志

如桐如栝影團團雪覆霜凝翠鬱盤

不殊調御大夫倚

用湮槃經事

曾沐

曼殊師利看

烏斯藏進表皆稱曼殊師利大皇帝曼殊是佛妙觀察智更切音與滿洲二字相近

云故

又

御製聽法松詩 山多檜栢惟香山寺殿前有松數株
此枝秀挺山門內一松尤奇古百尺喬聳側立迴嚮自
殿中視之如偏袒階下生公石不得專美矣 點頭曾
有石聽法詎無松籟響疑酬偈枝擎學擾龍佛張蒼翠
蓋僧倚水雲筇比似靈巖寺何勞摩頂重

臣等謹按娑羅樹

聽法松

御製詩恭載首見之篇餘不備錄

香山寺北為觀音閣後為海棠院院東為

來青軒西為妙高堂

靜宜園冊

臣等謹按

來青軒為二十八景之一軒內恭懸

聖祖御題額曰普照乾坤觀音閣上層額曰普門圓應
下層曰性因妙果皆

皇上御書

聖祖御製來青軒臨眺二首 搖拂烟雲動翠旗登臨

翰墨每相隨山河景象無窮意俯瞰人情因物知
來
青高敞眺神京斜倚名山澗水清此日君臣同覽賞村
村鷄犬靜無聲

乾隆八年

御製來青軒恭瞻

皇祖御筆普照乾坤四大字詩
勝地絕塵喧

璇題耀網軒餘波流墨濡健法天釵痕尚覩

雲烟潤因驚歲月奔

聖情空想像長此照乾坤

乾隆十一年

御製來青軒詩 由香山寺正殿歷級東行過迴廊而東為來青軒帝京景物畧為明神宗所題今額已不存矣遠眺絕曠盡挹山川之秀故為西山最著名處因仍其名而重為書額

聖祖御題普照乾坤四大字瞻仰之次想見函蓋一切氣象 山齋懸樹杪曠若發塵蒙探蹟思今昔遊神泯

異同烟容空外合黛影牖間通敬仰留題意乾坤方寸
中

臣
等謹按

來青軒

御製諸詩謹繹有關紀述事實者恭載卷內餘不備錄

香山寺北有無量殿

靜宜
園冊

臣
等謹按無量殿山門額曰楞伽妙覺

皇上御書

來青軒西南為

歡喜園東西各有坊楔

靜宜圖冊

臣等謹按

歡喜園西坊額曰停靄曰棲霞東坊額曰紆青曰延綠

皆

皇上御書

香山寺北稍西六方亭為

咳霜臯

因靜宜冊

臣等謹按

唳霜臯為二十八景之一

乾隆十一年

御製唳霜臯詩 山中晨禽時鳥隨候唳聲與梵咀魚

鼓相應飼海鶴一羣月夜澄霽霜天曉晴戛然送響嘹

亮雲外 胎仙志雲水詎可羈塵俗霜臯逼青冥差當

寄高躅華表事匪幻赤壁夢誰續婆羅門呌音遠勝絲

竹肉

臣等謹按

疾霜臯

御製詩恭載首見之篇餘不備錄

香山寺西北由盤道上為洪光寺山門東北向內建毘盧圓殿正殿五楹左為太虛室又左為

香品室

靜宜圖冊

臣等謹按洪光寺盤道即所謂十八盤也毘盧圓殿額曰光明三昧正殿後檐額曰慈雲常蔭皆

聖祖御書正殿內額曰香鼎淨域寺後門外坊座前額
曰蕙馨後曰芝采皆

皇上御書

香鼎室為二十八景之一

聖祖御製洪光寺盤道詩 白雲飛夏日斜徑盡崎嶇
仙阜崇高異神州覽眺殊

乾隆十一年

御製香鼎室詩 據香山東嶺有古刹名洪光明成化

中中官鄭同重修同高麗人相傳寺毘盧圓殿即仿其
國金剛山為之者未知信否也因迴為高臨虛標秀予
舊題曰香嵒淨域 突厦據橫巒天窓納虛宇樹分功
德林身在逍遙所始靜恰宜聽既遠猶堪觀天女叅維
摩時時下花雨

臣
等謹按

香嵒室

御製詩恭載首見之篇餘不備錄

洪光寺前盤道間敞宇三楹為

霞標磴

靜宜圖冊

臣等謹按

霞標磴為二十八景之一

乾隆十一年

御製霞標磴詩 香晶室前累石為磴凡九曲歷十八

盤而上彷彿李思訓王維畫蜀山棧道山勢聳拔取徑以紆而得夷非五迴之嶺九折之坂嶄絕而不可上者

此也 築山啗實力結字喜天成踏蹬看霞起披林納
月行惟因紆作直却化險為平九折何須此因之見物
情

臣等謹按

霞標磴

御製詩恭載首見之篇餘不備錄

霞標磴之北為

玉乳泉

靜宜園冊

臣等謹按

玉乳泉為二十八景之一

乾隆十一年

御製玉乳泉詩 行宮之西循仄徑而上有泉從山腹
中出清泚可鑒因其高下鑿三沼蓄之盈科而進各滿
其量不溢不竭長安可遊記謂山有乳峯時噓雲霧類
匡廬香鑪峯不知玉液流甘峯自以泉得名耳 乍可
微風拂偏宜皎月涵西河不千里當境即三潭演漾同

巒影卷舒晴雨嵐靈源何處是一脉試尋探

臣等謹按

玉乳泉

御製詩恭載首見之篇餘不備錄

玉乳泉西稍南為

絢秋林

靜宜園

臣等謹按

約秋林為二十八景之一巖間巨石森列鐫題曰蘿屏

曰翠雲堆曰留青又上為觀音閣額曰鸚集崖崖
旁勒仙掌二字下有石臨泉鐫題曰羅漢影

乾隆十一年

御製絢秋林詩 山中之樹嘉者有松有檜有栢有槐
有榆最大者有銀杏有楓深秋霜老丹黃朱翠幻色炫
采朝旭初射夕陽返照綺縠不足擬其麗巧匠設色不
能窮其工 嶂葉經霜染迎暉紫翠紛絢秋堪入畫開
錦恰過雲晻藹峯容變迷茫界道分金官闕青帝果足

張吾軍

臣等謹按

絢秋林

御製詩恭載首見之篇餘不備錄

絢秋林北為

雨香館後為洒蘭書屋其南為林天石海

靜宜
圖冊

臣等謹按

雨香館為二十八景之一自

勤政殿以迄

雨香館是為內垣為景凡二十

又按內垣凡六門曰東南門曰東北門西曰約白
門西南曰如意門西北曰中亭子門北曰進膳門
乾隆十一年

御製雨香館詩

綠雲舫稍西步平岡而南為雨香館

山中晴雨朝暮各有其勝而雨景尤奇油雲四起滃鬱
棟牖長風飄灑倏近倏遠苔石藥苗芬馨郁烈沉水龍

涎不免烟火氣 出雲峯更秀釀雨地斯靈景寫一空
白膏蘇萬隴青悅心惟樂歲養志奉

慈寧何必劉賓客端稱以德馨

臣等謹按

雨香館

御製詩恭載首見之篇餘不備錄

欽定日下舊聞考卷八十六